

解也

君子所貴恬淡無為乃道之常故次之以道常無名

聖德章第三十二

道常無名

河上公云道能陰能陽能弛能張能存能亡故無常名也

樸雖小

亦甚大

天下不

敢臣

道為萬化之君

侯王若能守

守一

萬物將自賓

心為主物為客

天地相合

如身

一以降甘露和氣所致

民莫之令而自均

心無病而身自安

自始制有名

道也散而為器也

名亦既有

心也盡含此樸

夫亦將知止

性也依止於道樸不使遷流

知止所以不殆

命也知止則不循名而逐末

譬道之在天

下在我猶川谷之與江海

萬物歸一歸一而已千枝萬葉共一本根

復圭子曰常道不落擬議故無名以其未雕未琢故謂之樸

道藏輯要

太上道德寶章翼一

巽

心集三

以其曰希曰微故謂之小而天下不敢臣夫何故天地資之以始萬物恃之以生天下孰有敢臣其所自始與所自生哉匹夫得道尚能使其所居之地物不疵癘而年穀熟也侯王若能抱樸而守一則靜為動君一為萬主萬物有不賓服者哉天地相合水火交也以降甘露神水入華池也民莫之令而自均言人人可能第人身之天地不合安望其甘露降哉樸尚無名若樸散為器始制則有名矣道也誠知無可適有則有亦可以之無是故貴知止止者鎮以無名之樸也知止則不隨物遷澹然自足危殆安從生譬道之在天下樸不能不散而為名水不能不分而為川谷顧名立而知止非樸亦

復於樸川谷分而為江海江海非源亦復歸於源然則道雖無名遠取諸物不若近取諸身川谷即人泥丸宮之瑤池也太淵池也津液之山源也江海即人之氣海也曲江也華池也丹家所謂氣歸元海壽無窮是也

證前二章用兵之戒知人勝人明於外不若自知自勝存於內

辯德章第三十三

知人者智不為物所轉也自知者明以心合道見於內也勝人者有力久於其道而化

自勝者強真積力久於不敢則活知足者富何物非道貧亦樂也強行者有

志有志者事竟成始終不殆不失其所者久性常存也死而不亡者壽神不死也

道藏輯要

太上道德寶章翼一

冕

心集三

一常存○天行健君子當自強不息

復圭子曰此章八句一主一賓一淺一深不得一概穿鑿而以妄見強解也知人者智見於外也不過識人之善惡優劣而已自知者明見於內也非返聽無聲內視無形者不能也勝人者有力勇於敢也不過膂力血氣之剛而已自勝者強勇於不敢也非克己復禮中立不倚者不能也鷦鷯巢於深林不過一枝偃鼠飲於河不過滿腹可不謂知足者富乎子貢之請息冉求之自畫由無志也若顏子之請事斯語自強不息可不謂強行者有志乎徒業則無成無恆則不永若不為事變不為物遷基址堅固方為不失其所者久也死則死